



QUÆSTIO MEDICA,

CARDINALITIIS DISPUTATIONIBUS,

*manè discutienda in Scholis Medicorum, die Jovis
decimâ-septimâ Februarii.*

M. JOANNE BAPTISTA RENATO MOREAU,
Doctore Medico & Professore Regio, Præside.

*An quadragesimali tempore piscium esus, carniû usui sit
anteponendus?*

I.

MISERATIONE dicam an reprehensione digniores
eos, qui inauspicatis temperamenti sui fluctibus abripi-
se sinentes, quod atramento aut adustâ bile conflatum
est, ipsi sibi sunt odio, Humanumque genus universum,
pejus oderint; qui diæteriis prorsus inficetis Homini originem la-
cerent, miserum in ortu suo, miserum in toto vitæ decursu depin-
gant, & probis amarioribus onustum, detrudant ad tumulum.
Nec satis habent ejus conformationem contumeliosè laceßere,
exteriorem formæ speciem fannis indignis deludere, organorum
Machinas convellere, nisi in supremam ejus rationis arcem om-
nem linguæ virulentiam effuderint, dum cæcos brutorum imperus
illi anteferunt, ad cujus dignitatem vix obscurâ similitudine aliquâ
possint accedere: Caninosque dentes in ipsius Eminentioris Animæ
naturam exacuunt, in apertam lucem novas falsasque opiniones,
& definitiones proferunt, quæ veneris Marito debeantur, qui
subobscurè velint affigere Luto, divinæ particulam auræ, quæ
procul ab eorum telis aut moribus posita, eos puriori luce per-
stringat, veritate supremâ Convincat, viribus atterat, & immor-
tali potentiâ terreat, ac ad nihilum deprimat. Verùm contra-
pusillum hunc & rejectaneum calumniatorum gregem, quinam

non insurgunt sanæ mentis Homines, qui non ignari nobilissimæ conditionis ac naturæ suæ, divinarum conditoris sui laudum buccinatores sint, prolixâ partium enumeratione, ex quibus humanum corpus concinnatum est : Omnia uno verbo dixero, cum ad Dei similitudinem id effectum & effectum esse prædicavero, quid est igitur in hoc orbe perfectius ? Atque idcirco ab omnibus qui compaginis istius modi, pulchritudinem attentius contemplati sunt, (Quales præcipuè Medici perpetuo fuerunt, qui nova subinde miracula in eâ detexerint) confessionem hanc ipsa veritas exprefsit, humanum corpus mundi compendium esse. Observatio autem illa effecit ut pro quatuor anni tempestatibus humores dividerentur, temperamenta eâdem trutinæ lance ponderarentur, & cum notatum sit per tempestatum mutationem, in hâc orbis universitate quidquid est boni malive, contingere ; Ita quatuor humores, qui temporibus illis proportionem respondeant, prorsus idem in humano corpore perficere : inde fit, utquemadmodum providentiâ suâ Sapiens dominatur astris, sic peritior Medicus ad servandam sanitatem integram, aut ad propulsandos morbos, simili debet esse prudentiâ & cautione, pro tempestatum humorumque sibi ex æquo invicem respondentium varietate, ac præsertim ope victus legis idoneæ.

II.

NE M O non sensu percipit ? quæ æternâ sibi vicissitudine succedunt temporum qualitates ? quid non modis omnibus umbram salutarem expetit, ut nimios ætatis æstus retundat frangatque, qui flores, quæ plantæ non iis adurantur, nisi salubres adsint fontium scatebræ, puteorum subterraneorum imbriumve ex nubibus defluentium liquores ? quænam arbores nascentes fructus suos arefcere non sentiant, sine jucundi roris, aut nebula ex vaporibus condensatæ, vel amœnæ foliorum opacitatis amabili subsidio, quæ solis radios, impetu ardoreque suo cuncta pervadentis vastantisque reprimant ? qui fontes non aruerint ? quis adeo robustâ Vir integritate virium, febris urentis pestilentisque periculum effugiat ? quæ victus ratio tunc servanda diligenter, est ferè satis, Quâ cohibeantur constringanturque ignei sanguinis globuli, qui universo aëris incendio conflagentes, & vehementioribus aëris ulsi turbinibus consociari cupientes, corpus exhaustum, spiritibus vacuum, frigidum, exangue, & vitâ cassum quotidie, relinquunt : Contra vero quam læta

pomiferi temporis autumnitas; ast ut bona nulla sine quadam
 acerbitalis mixturâ sunt unquam, & surgit amari aliquid medio
 de fonte leporum; tunc flores marcescunt, fructus denegato
 pediculorum nutritio glutine delabuntur; frondes in sui casus
 antecessum pallefcunt; pauca quædam difficili operâ servantur.
 Eodem illo tempore humana corpora atteruntur, nisi summâ
 curentur industriâ, & ratione, viâque certâ nutriantur. Tunc
 humores non æque lypidi, plus habere fæcis deprehenduntur;
 inde ex illorum spissâ congeriè, apostlemata, quartanæ febres,
 articulorum dolor, & infinita alia miseræ mortalitatis prologia,
 exquisito tunc opus est eorum delectu, quæ temporis illius diætæ
 congrua fuerint, & quibus hos humorum cumulos, radicitus
 averruncant. Absque eo damnosa quid non efficit hyems,
 per quam formidolosam Naturæ omnia omnibus prospicientis
 observemus sollicitudinem? Non sine admiratione videmus ac
 stupore, beneficio frigoris effici, ut arborum plantarumque
 succus in imas earum medullas retrudatur, & veluti recondatur,
 ut commodiùs aliquando diffundatur, tectas nix alit segetes ad
 ubertatis lætitiâ; estque vitæ balsamum, quo tellus adversus
 penetrabiles frigoris stimulos, furentemque ventorum incle-
 mentiam defendatur. Ita dum totus nebulosus est Jupiter, vitæ
 ratione congruenti depellitur ejus improbitas, ac tandem
 optatissimo vere corpora perfruuntur. In quo non solum natura
 ridet omnis, ac revirescit, sed succorum, qui sæviente plurimum
 hyeme latebant, & constricti gelu tenebantur, infinitâ copiâ,
 ac renovatâ profusione æternitatem parare sibi velle videtur:
 hinc gemmæ turgent ex nodis arborum; hinc juvenescens fron-
 dium viriditas; hinc picturis discriminata prata, planities &
 hortorum areolæ immensas opes ostentant, & suavis aërem
 odoribus suffiunt, quem zephiri leves blandè commovent. Eheu!
 quanta naturæ perniciès immineret, si calidior candentis aëris
 æstus, aut fermentum quodpiam in terrâ vehementius, acceleraret
 aut interverteret Naturæ providentis opus, quæ suas habet moras,
 lentiores illas, definitosque certis limitibus terminos. Nonne,
 quisquis oculatus est videt, teneris recentibusque herbarum
 capitibus, ac rore puro animantia vesci: non sunt properandæ
 humorum fusiones, qui solvuntur paulatim, & ex intimo centro
 ad circumferentiam placidè sensimque profluunt. Vos igitur
 vos, ô vestra juvet ratio: tot vos exempla doceant, ô Homines!

quorum structura delicatior ac spectabilior rebus cæteris, nonne sanguinem in venis lætius emicantem animadvertitis? spiritus intus reconditos semet explicare vegetius, vestros motus acriores esse, imaginandi vim expeditiorem, vos denique omnino esse commutatos. At cautio sit, ne vestrorum humorum abutamini beneficio; naturale fermentum hoc, ne tentetis efferrare, quod commune vobis est cum animantibus quæ in terris degunt, aut vivunt in aëre. Nullo negotio febrium cohortes destillationes, laterum acutissimos dolores, ardoresque, qui hæc potissimum tempestate lancinant Homines, declinaveritis: quæ quidem noxiæ & infestæ labes ubertim proveniunt ex cibis calidioribus, acrioribus, volatilibus copiosioribus, & sulphureis partibus refertis, ex quibus motus exurgunt concitiores; ac, ut sic dicam, addendo calcar ritè currenti Naturæ, graviter errare est, quæ adjuvanda est, non cogenda, moderanda, non perturbanda.

III.

PLENI sunt libri sigillatim, generatimque, divisionibus alimentorum, eorumve naturis. Diversæ Medicantium sectæ, nominibus eas variis, sed idem perpetuò significantibus expresserunt; adeo ut spes nulla debeat esse, ut libere unquam ostendat se nudam Veritas, suo vestit eam quisque palliolo. Illa tamen, licet ab hoc reducta domicilio mortalium inter se dissidentium variegatas ob syllabas sonosve, ambiguos, ac futiles, una semper & eadem est, & erit, seque dissipatis eripiet nubibus, quibus non desunt, qui eam ubique certant involvere. Omisâ idcirco hac enumeratione, centies in Scriptorum monumentis exaratâ, perquiramus attentè rectas quibus semitas corpora vernis ægritudinibus liberemus, quando felix faustumque nobis, occurrit quadragesimali jejunio tempus consecratum, quod Ecclesiæ prudentia, Christianorum obsequium, veneratio, & memoria institutionis ejus, adeò salubriter ac divinitus, non ad salutem animarum tantum, verum etiam ad diætam, corporum sanitati necessariam destinaverunt. Gratiam quidem superum, quam impii soli & male feriatae mentis homines habent, non pro necessariâ carniû abstinentiâ, sed pro labore, rerumque tacendarum supplicio refugiunt. Ut vero ad curam melioris præstantiorisque sui partis minus attentisunt, mirum certe non est, si negligentiores eorum sunt, quæ ad corporum salutem magis conferre valent. Procul tamen ab omnibus sit illa cogitatio, ta-

5

erum tempus illud, solis prodesse corporibus: verum ut nihil in hoc orbe sit nisi circino ductum, cujus pedem inspector universorum Deus, tempore ac loco suo fixit, certo pondere & mensurâ, liceat hoc veris tempore, in quod incurrunt esuriales feriae, recognoscere, quæ ex piscium esu percipi possit utilitas, quæque incommoda & damna ex carnum usu enascantur hâc anni ætate, quâ sanguis fervere occipit, quâ natum quodque fermentatione turget, quâ cibi rejiciendi sunt, quicumque stomacho negotium facessunt, quique, *Σπυρίματα* progenerent, quorum corruptio periculi plurimum invehat; qui tandem nimîa festinatione turbent & dividant, quæ natura tota sibi, coquit & præparat. Sed, qui cibi seligendi leves sint, coctu faciles, particulis sulphureis, igneis, & ad fermentandum aptis careant, quarum contagia periculosa sint & nocentia.

IV.

NIHIL non ad hominum vitam conservandam confert aliquid, quasi vestigal, è terræ visceribus eruuntur metalla metallicaque omnia, quorum, quæ sint utilitates, obscurum est nemini; ejusdem terræ superficies non illos modo sustinet, sed locis omnibus suppeditat singula vegetantium genera, quorum mater est nutrix item, animalia quotquot alit ad vitam eorum fovendam destinavit, quænam undique non devolant volucres, ad eorum commoda: sed advertere nonne juvat, Lacunas omnes, rivos, stagna, lacus, alveos, fluvios, flumina & maria, concurrere, ac veluti consentire, ut æquali copiâ hominum generi, ad sui tutelam prodesse possint. Ob quam rem, quis non iis acerbe succenseat, qui spernant tempore debito ea quæ sibi tam liberali manu *ἀνα ἡ χάρις* offeruntur. Et cum vere primo, quo esuriale tempus utili jungit honestum, fugiendi sint illi ciborum succi, periculosi carnei, & qui ignis & sulphuris æquo plus in se continent: nonne beatissimi sumus, quibus adest piscium multitudo, quos plenitudo, pulpæ firmitas, obæsitæ, & succulenta moderata bonitas commendant, qui facile percoquantur, qui naturæ nihil ob sint fermentatione nimîa. Ubique captantur illi, ex medio maris pelagii, ut thynni, &c. Ex rupium vicinitate saxatiles, ut ostrea, &c. Qui juxta ripas & littora, littorales, ut qui cunctis quotidie vaneunt in macellis, mirum est ut cum iis qui non ægre coquantur, natura non alio distracta, tota sibi vacet, & conservationi suæ horum alimentorum facili

assumptione consulat, unde sperare jure quilibet possit vires & robur, quod tribus aliis anni partibus sufficiat, & valetudinem firmam & incolumem præstet; nam ut quippe, vitæ bona, veluti rosæ, medias inter spinas colliguntur, nonne dimidium facti, qui bene caput habet?

V.

MIRABILI providentiæ consilio factum est, ut cuique rei sua tempora, suæque sint dicatæ vices, quæ non perturbatio ac inversio rerum contingeret, si simul unoque tempore cuncta forent salutaria, alio verò, pariter nociva. Et sic quod ad alimenta spectat, quæ profusio, negligentia Mater, unâ tempestate, & aliâ? quænam annonæ tenuitas? quæ tumultum pareret & omnia perverteret. Rite beati nomen occupet Homo, qui pro temporum conversione, varia alternis, certisque vicibus, sibi necessaria obtineat, verum oportet, ut iis cæli muneribus sapienter uti noverit. Ille etenim junctus cum prudentiâ delectus, sanitatem ejus tuebitur. Æstate temperandi sunt spiritus, qui facile accenduntur, revocandi qui avolant, herbæ selectiores, escæ temperatiores, nec non quæ succi sint exquisiti tunc in promptu sunt, ac veluti superfluent, autumno maturâ facultate sunt fructus omnes, hyeme abstinendum est à carnibus, quæ nigricantis sint coloris; quæ vero candidi, quarumque coctio non molesta, placere debent, quibus tunc passim abundamus. Semper experti eos, qui quolibet tempore se carnibus ingurgitant; laudabilibus quamvis & probatis, (adeo periculosa plenum opus est aleæ) cruditatibus esse, ventris proluviæ, sanguinis profluvio, febribus, vertiginibus, aliisque Multis-capitis affectibus plurimum obnoxios. Quod putredinem indicat ab ejusmodi cibus, fermentationisque nimia, diram sobolem notat. Fateamur igitur verno tempore seu per quadragesimam, sanæ mentis Virum oportere abstinere se à carnibus, cum nostra corpora fermento naturali agitantur, quod interpellare nefas est, illicitum impune adaugere, partibus iis quæ facile putrescant, ardeant; & quæ indolem nativis humoribus parem non nanciscantur. Sed anteponendi sunt pisces, quos natura tunc provida largiter subministrat, qui temporis illius humanis humoribus apte consonant, à quibus absunt lædentes igneæ qualitates, qui veram non viciant fermentationem, qui facile subiguntur, quique putredinem non accersant, quæ cuncta carnes quotidie pariunt cum vitæ

7

dispendio. Id Galeni calculo comprobatur suadentis, ex febre
revalescentibus piscium esum, antea quam carnes illis apponan-
tur.

*Ergo quadragesimali tempore piscium esus, carniū usui est
anteponendus.*

Proponēbat Lutetiæ Parisiorum CAROLUS BOMPART, Claromontensis;
ex Arverniâ, Baccalaureus Medicus, A. R. S. H. 1695.

Apud Franciscum Muguet, Regis & Facultatis Medicinæ Typographum.